

SCRIPT OF EVENING GOJRI NEWS BULLETIN 25 JAN 2025

1700HRS

اوننگ گوجری نیوز بولیٹن 25 جنوری 2025

HEADLINES

- ۱۔ صدر جمہوریہ محترمہ درویدی مرمو ۶۷ واں یوم جمہوریہ ور قوم نانہہ خطاب کریں گی۔
- ۲۔ جموں کشمیر پولیس نانہہ یوم جمہوریہ ور دوجا سب تیں متا بہادری گا تمغہ تے پولیس گا
- ۱۰۔ اہلکاراں نانہہ شاندار خدمات انجام دین ور صدارتی تمغہ دتا گیا ہیں لیفٹیننٹ گورنر منوج سنہا نے تمغہ حاصل کرن آلاں نانہہ مبارک باد دتی۔
- ۳۔ مولانا آزاد سٹیڈیم جموں مانہہ یوم جمہوریہ گی تقریب منعقد وے گی جس غی صدارت لیفٹیننٹ گورنر منوج سنہا کریں گا اس سلسلہ مانہہ حفاظت غا تگڑا بندوبست کیا گیا ہیں۔
- ۴۔ ملک بھر مانہہ قومی ووٹر تہارو منایو گیو اس سلسلہ مانہہ لیفٹیننٹ گورنر منوج سنہا نے عہد لیو ہے جے جموں کشمیر مانہہ جمہوریت گی مضبوطی ور زور دتو تے چیف سیکرٹری اٹل ڈلو نے افسراں نانہہ عہد کرایو۔
- ۵۔ خسوسی تیار کی گئی وندے بھارت ریل گڈی نے کٹرا تیں بڈگام تک آزمائشی سفر چناب پل تے انجی کھڈ پل پار کر غے کامیابی سنگ حاصل کیو۔

PREZ ADDRESS

صدر جمہوریہ آج یوم جمہوریہ گا موقعہ ور قوم سنگ خطاب کرے گی۔ یوہ خطاب شام ۷ بجے آکاش وانی گا پورا قومی نیٹورک تے دور درشن گا تمام چینلاں ور پہلاں ہندی تے پھر انگریزی زبان مانہہ نشر کیو جے غو دور درشن ور انگریزی زبان مانہہ خطاب توں بعد علاقائی چینلاں ور علاقائی زبان مانہہ اس خطاب نانہہ نشر کیو جے غو جدکہ آکاش وانی اپنے علاقائی نیٹ ورک ور علاقائی زبانان مانہہ اس خطاب نانہہ رات ۹ بجے ۰۳ منٹ توں نشر کرے گو۔

R DAY AWARDS

واں یوم جمہوریہ گا موقع ور پولیس فائر تے عوامی دافع گا ۹ سو ۲۴ اہلکاراں نانہہ ۶۷ دلیری تے خدمات گا تمغہ دین غو اعلان کیو ہے ان مانہہ جموں کشمیر پولیس نانہہ ۷۲ تمغان سنگ نواپا گیو ہے جن مانہہ ۵۱ بہادری تا تمغہ شامل ہیں جہیڑا اترپردیش تیں بعد دوجا نمبر ور ہیں یاد رہ جے ان مانہہ ممتاز خدمات واسطے ۲ صدر تمغہ تے امتیازی خدمات واسطے ۰۱ تمغہ شامل ہیں قابل ذکر ہے جے ایس ایس پی محمد یاسین کچلو سمیت جموں کشمیر پولیس گا ۰۱ اہلکاراں نانہہ غیر معمولی بہادری تے فرائض منصبی انجام دین گا سلسلہ مانہہ صدارتی تمغو امتیازی خدمات سنگ نوازے جے غو۔

MA STADIUM EVENT

پلک یوم جمہوریہ غی تقریب مولانا آزاد سٹیڈیم جموں مانہہ منعقد وے گی جت لیفٹیننٹ گورنر منوج سنہا قومی جہنڈو چاڑ غے مارچ پاسٹ ور سلامی لیں گا جدکہ وزیر اعلیٰ عمر عبداللہ مہمان خصوصی گا طور ور اُت موجود ریں غاگزشتہ روز یوم جمہوریہ منان غا سلسلہ مانہہ جموں سٹیڈیم مانہہ ایک مشق منعقد کرائی گئی تھی یوم جمہوریہ منان غا سلسلہ مانہہ حفاظت گا تمام بندودست مکمل کر لیا گیا ہیں یوم جمہوریہ منان غا سلسلہ مانہہ سرحد ور تمام

حفاظتی دستاں ناں جدید ٹیکنالوجی غے نال چُکنا کردتو گیو ہے ضلع ریاسی گا سنئیر سِپرنٹینڈنٹ پولیس پرمویر سنگھ نے دسیو کہ امن و امان برقرار رکھن واسطے تمام ضروری انتظامات کیا گیا ہیں اُنہاں نے اس طرح کہیو۔ انتظامیہ نے مرکزی زیر انتظام علاقہ مانہ تمام دفتر تے سرکاری عمارتاں نانہ روشن کرن تے قومی چھنڈو فران غی ہدایت کی ہے۔ یوہ اقدام اس موقع نانہ شان تیں منان نالے وسیع پیمانہ ور شرکت نانہ یقینی بنان غی کوشش غو حصو ہے۔ اس تیں علاوہ تمام سرکاری ملازماں بشمول ما تحت دفتر غا ملازم نانہ ہدایت کی گئی ہیں کہ وہ اپنا متعلقہ ضلع مانہ یوم جمہوریہ غی سرکاری تقریبات مانہ شرکت کریں۔

BADHAAL CONCERNS

راجوری گا بڈھال گراں مانہ مشکوک بیماری بارے گورنمنٹ میڈیکل کالج راجوری گا پرنسپل نے دسیو ہے جے کل ۱۱ متاثرہ افراد گو اس ویلے جی ایم جی راجوری مانہ علاج چل رہیو ہے جن بچوں ۲ افراد نانہ آئی۔سی۔یو یعنی انتہائی نگہداشت یونٹ تے دیگر ۹ افراد نانہ نگہداشت مانہ رکھیو گیو ہے تمام متاثرین کی حالت بہتر دسی ہے تے علاج گا نتائج وی بہتر ظاہر ہو رہیا ہیں ذرائع ابلاغ سنگ گل کرتا واں اُنہاں نے اظہار کی وے جے اعلیٰ لیبارٹریاں نے کسے وی وائرل انفیکشن کی موجودگی نانہ رد کیو ہے تے عوام نانہ یقین دہانی کرائی ہے جے اُنہاں نانہ گھنراں گی کائے لوڑ نہیں ہے۔ اُنہاں نے مزید کہیو جے کُج لوکاں نانہ احتیاطی طور ور الگ کیو گیو تھو تانجے بیماری بارے پتو کیو جاسکے تے متاثرہ گُنبہ گا قریبی ۵۰ افراد نانہ وی دوائی تے کھان پین دیکھ بھال سنگ دتو جارہیو ہے۔ اس بارے مزید بولتاں واں گورنمنٹ میڈیکل کالج راجوری گا پرنسپل ڈاکٹر اے۔ایس۔بھائیہ نے اس طرح کہیو۔

NATIONAL VOTERS DAY

ملک بھر مانہ اج ۵۱ ویں قومی ووٹر تہارو منایو جارہیو ہے اس سل اس تہاڑہ غو موضوع بے ووٹنگ جیسو کُج وی نہیں ہوں یقینی طور ور ووٹ دیوں جہیڑو جمہوریت تے ووٹراں گی چناوی سلسلہ مانہ شمولیت نانہ اجاگر کرے واضع رہ جے اج گے ہی دن یعنی ۵۲ جنوری نانہ ہی بھارتی چناؤ کمیشن گو قیام ہویو تھو تے اس دن منان گو مقصد نوجواناں نانہ انتکابی سلسلہ سنگ جوڈنوں ہے اس سلسلہ مانہ جموں مانہ کئی پروگرام وی منعقد کیا گیا ہیں۔ اس بارے جموں کشمیر غا چیف چناؤ افسر پی۔کے۔پول نے اس تہاڑہ کی اہمیت اُجاگر کی تے پہلی بار اپنا حق رائے دہی استعمال آلا ووٹراں نانہ تاکید کی جے وے اپنا ووٹ گو استعمال کریں آکاشوانی سنگ گل کرتا واں اُنہاں نے اس طرح کہیو۔

LG OATH

لیفٹیننٹ گورنر منوج سنہا نے اج جموں مانہ ۵۱ ویں قومی رائے دہنگان تہارا غی تقریب مانہ شرکت کی جت اُنہاں نے حلف لیو تے بھارتی چناؤ کمیشن غی بہترین کارکردگی غو مظاہرو کرن ور چناؤ غا چیف آفیسر تیں اُن غا ٹیم غی تعریف کی۔ ووٹنگ غی اہمیت ور زور کھلتا واں ایل جی موصوف نے شہریاں ور زور دتو کہ جمہوریت نانہ مضبوط کریں اُنہاں نے آزادی تے بھارت غا ثقافتی اخلاق نانہ اُجاگر کیو۔ تے حالیہ انتخابات مانہ ووٹراں غی تاریخی تعداد دیکھی جہیڑی جموں کشمیر غا لوکاں غی جمہوری اقدار مانہ مضبوط اعتماد تے نوا جزیہ غی عکاسی کرے۔ اس موقع ور ایل جی موصوف نے اس طرح کہیو۔

CS PLEDGE

اج ۱۵ویں قومی رائے دہندگان تہاڑا غا موقع ور سیول سکٹریت جموں مانہہ ایک تقریب مانہہ حلف برداری غو انعقاد کیو گیو جت چیف سیکرٹری اٹل ڈلو نے یو ٹی انتظامیہ مانہہ سیکرٹریاں سمیت افسراں تے اہلکاراں نانہہ حلف دوايو عہدیداراں نے جمہوریت برقرار رکھن تے پرامن انتخابات نانہہ یقینی بنان غ وعہد کیو۔

VANDHE BHARAT

اک تاریخی کامیابی گے پیش نظر خصوصی طور ور تیار کی گئی وندے بھارت ایکس پریس ریل گڈی نے شریماتا ویشنو دیوی ریل اڈھ تیں بڈگام تک گو آزمائشی سفر پورو کیو ہے اس سلسلہ مانہہ بھارتیہ ریلوے نے جموں کشمیر مانہہ اک ہور سنگ میل تہ کیو ہے واضع رہ جے مذکورہ ریل گڈی نے یوہ سفر دنیا گا سب تیں اچا ریلوے پُل یعنی چناب پُل تے بھارت گا پہلا تاراں گے زریعے تیار کردہ آنجی کھڈ پل پار کر غے یوہ سفر مکمل کیو۔ یاد رہ جے ادھمپور سرینگر بارہمولہ ریل جموں کشمیر نانہہ ملک گا باقی حساں سنگ ملاوے تے مذکورہ خصوصی ریل گڈی مانہہ جموں کشمیر غا موسم نانہہ نظر مانہہ رکھتا تمام تر انتظامات کیا گیا ہیں اس بارے پیش ہے مہارا آکاشوانی گا نمائندہ دویندر ٹھاکر غی رپوٹ۔

DRUG DESTROYED

ادھمپور پولیس نے منشیات مخالف کاروائی گے تحت ۳ کونٹل تیں متا منشیاتی مواد نانہہ تباہ کیو ہے یاہ کاروائی سانہہ گا ایم ایس امول ہیلتھ کنٹر و جے پور غا مقام ور کی گئی واضع رہ جے ماہولیاتی تحفظ نانہہ مد نظر رکھتا نارکو ٹرگ ساکوٹروپک سبسٹانس ایکٹ ۵۸۹۱ گے تحت انجام دتی گئی قابل ذکر ہے جے گزشتہ سال گ ادسمبر مہینہ مانہہ پولیس نے اسے طرز گی کاروائی کر گے قریباً ۲ ہزار کلو گرام منشیاتی مواد تباہ کیو تھو۔